

peoatem patlias, na nin eliei telimg, notjinen nitjan oigomsg, teloet gisi miaolagoalasotmamg lias ; na gisi alasotmamg telgioasgapogoasitj teloet, nitjantot, eliei tjinem maltjeoetj Legsi Pigiel gesinogoat ag gileo peoatem goitjeoieo, ag sagmao niganatatj goltjieoei ag notji ntotitjig getapegietitj. Na engotio matjitatjig ag getapegiatitjig glapis tan elisinlitjel gesinogoa'itjel, patlias ignemoatjel nimamgecei tan Gisolgoigtog elmaletj, mesgig teli alasotmamg, tógo telimatjel, nitjan na tan tesitj oen petji oitjeoit na mset gagi apôgônemasg. Na, notj, teli agnotemol ag etamol tan tesit nógmao epmetog geneg algatg notman ag etamgig nógmao otalasotmelseoaneu nitjana. Mógoe nin getjiagig nógmag tan telgeneg alapagmoltititj. Ag moioatemolôg tan teli olalôg nitjan, patlias ag tan tesip mimatjain apôgônemoatipen, teloei, me gato oelalitjig teli alasotmelseoatj Nisgam apôgônemoata ag nin alasotmelseoas ; na teli moioatem. P. PIGIEL

SGENOOPEITITJG—tjon 19 tes—na tjo Pôl otostjitjel tapoiponalite gagsiteg, oôol gotatesgoatel, mógoe me-gilog oôoa neogtissagel tjel neogtmititjin telagitotong. Na ola mitioa. tjitj paseg tapigonag elaois na nep gag, ansema opagamtjitj tan telgig gagteg ag gitjga opitnôgômtjitjel.

Mallois Maltan Api setaneoit listogotg.

—o—
**TAN GOGOEI PATLIAS
IGNEMOITJ**

“Patlias mógua gesalnog, teloet neogtetit menistel mógua alasotmamg telimatjel neogtetjilitjel elnol, mógua ignemologol mgesen gisna alige gisna tamaoei.

Lno panatoatel otaligemel ag asitelmatel : Gil etog gisgitesg tan ngamlamong eig ? Mógua, teloet ministel pagalastoatel.

Netna, teloet elno, ngamlamong patlias igatôg ignematimgoei tan ignemoitj. Tan totjio pagapogoei gesispatoitj ngamlamon eoeg omaltem Sesogolial. Tan totjio gemnieoi

igalatel Sesoesel ngamlamong. Gato gil gotemaœei pasig ntloteoaseg, gotapson gagemegel, gato ignematimgoei patliasœœei iteteo iaptjio gogontes ag lmatotes oasôg.

PIPANIMTIMGEOEI

Etamol, notj, gnoatoin otjit so-moiming ogisieogsineo piamasig neogtipongega. Neogtetit tjinem teloet mógoe tóg gelosiog sonming piamio neogtiponatitja.

Oplapogoe na : gelositjig ôgotj tan pa teli pgitaogsoltititj. Nineoeg mesgiloltitjig piamio nesisgegi-ponôltitjig ag etog otgotalitag ; paseg igag o'osami sgoisgeineo, gis gisi ilalotjig minoi lapatasoltititj, tógo gisi minoi eotjig tan pa teli pgitj tjatjigegig.

ELOITEMASOTI.

Gisolg olitetemoitj, gitjino Malitli apôgônemoitj, nin melgapogoei nponaton pogteoitjig ag tan gôgoei getgaloe, mo npisoninog, ag nigmag oinpatjigtoas ongoti tleineo.

—o—
PIPANIMTIMGEOEI

Nsis Glosgap neogte tan gôgoei aptj nin getoi pipanimol, etog talsettesg apgil gisigotjijoin ; nige tógo tjel pógteistotjiti, talsettesg otjit gino lnoigo migmaoigo wôgoe mesgigtenog apôgônematimg eitenog, etog tali gisi maoi apôgônematitigop apis ntalasotmôgômtjitjinela. Mota migmagtami eimititj tasitjig, tógo tjitjoaga getoititj alasotmôgômtjitj, tógo eoletjitjig oesami tgeletjitjig negemô pôgtagietitj, etog angitetemen mo gloltnos gtapôgônemoaneno neget gigenag emgal santeoi maioimie maogoaengeoei ? NIN AITJ.

MOIALOT GELOSGAP

Iamotj pa teliang tan teloetj gelosgap mógoe oenigo, meta negtogat, golaman me oen gisi telimatjel paseg oenagnotg gôgoei tógo mógoe gisi telatog, meta mana gisatjameg meta teloemg negtogat ; gato gas neg-m angamolgeg gelosgap soel mset gôgosieg gelolgeneg tan teli genotemol, mógoe oenag oinapogegpenag ag mógoe oenag aposgapogegse.